

BOSNA I HERCEGOVINA  
FEDERACIJA BiH  
KANTON SARAJEVO  
OPĆINA CENTAR  
JU OŠ «HASAN KIKIĆ»  
Broj: 01-3-1207/23  
Datum, 21.09.2023. godine

Na osnovu člana 103. Zakona o osnovnom odgoju i obrazovanju („Službene novine Kantona Sarajevo“ br.23/17, 33/17, 30/19, 34/20 i 33/21,) Nastavničko vijeće JU OŠ „Hasan Kikić“ Sarajevo, na sjednici održanoj dana 20.09.2023.godine, jednoglasno donosi

## ODLUKU

### I

Učenicama/učenicima JU OŠ „Hasan Kikić“ Sarajevo zabranjuje se donošenje, unošenje i korištenje mobilnih uređaja (telefona, satova i sl.) u školskoj zgradi kao i u školskom dvorištu.

### II

Učenicama/učenicima će biti dostupan školski telefon kod sekretara ili pedagoga ukoliko budu imali potrebu za istim.

### III

Izuzetak su učenici koji imaju potrebu za mobilnim uređajima iz zdravstvenih razloga.

### IV

Nepoštivanje odluke povlači za sobom izricanje odgojno-disciplinskih mjera, oduzimanje mobitela i obavezan dolazak roditelja po isti.

### V

Odluka stupa na snagu danom donošenja, a primjenjuje se od 25.09.2023.godine.

## Obrazloženje

Mobilni uređaji se zloupotrebljavaju u svrhu snimanja učenika, nastavnika, problemskih situacija, svađa i sve se prenosi od jednih do drugih. Razlog odluke jeste zloupotreba mobilnih telefona, cyber nasilje i pružanje pomoći učenicima kako bi se oslobodili virtualnog svijeta, te da se više socijaliziraju i fokusiraju na nastavni sadržaj i školske aktivnosti. Od početka ove školske godine naišli smo na mnoge probleme: zloupotreba mobilnih uređaja (radnici i učenici su snimani, te objavljivani i ismijavani na društvenim mrežama), tokom časa se objavljivao neprimjeren sadržaj po društvenim mrežama, slikalo, igrale se igrice. Kada posmatramo učenike na velikim i malim odmorima, primijetimo da učenici malo komuniciraju jedni s drugima i da su konstantno na svojim mobilnim uređajima. Zabrinjavajuće je bilo vidjeti djecu kako ne razgovaraju dok sjede u društvu sa svojim školskim drugarima, te da nema nikakvih društvenih aktivnosti. Društvene mreže su prostor na kojem se informacije nude bez filtriranja, bez obaziranja na psihološku zrelost djece i potencijalna su opasnost za učenice i učenike, te je na osnovu navedenog, odlučeno kao u dispozitivu.

### Dostaviti:

- Oglasna tabla
- Web stranica



PREDSJEDAVAJUĆI  
NASTAVNIČKOG VIJEĆA

Almir Pleh, direktor škole